



Na bankwididi (Bakristu) ya Dibundu Néo-Apostolique ya RD Congo Ouest

CIRCULAIRE 003/APD/2026

Bampangi ya babakala ti ya bankento na kati ya Kristo,

Kuluta (Kimoku) ya Ntumwa ya ntete ke monana nde yo me kuma bonso makambu ya ntama. Kansi atako pidina, nsangu na yandi ke wakana na mpila ya mbote ti tangu yayi ya beto kele : « *ntangu yonso ya nge ke na nima ya ngungudi, Yezu-Kristu, ya kuziungama na bambwa yayi ya ke batelaka, nge ke na mfunu ve ya kuwa boma ya mbeni yayi ya ke zietazieta bonso ntambu yina ke dila. Kuwa boma ve, kwikila kaka !* ».

Na makambu ya mpila nampila, beto sakumunumaka mingi na nzila ya kuluta yayi ya Ntumwa ya ntete. Mono ke vukana ti bantumwa na beto yonso na kumonisa na beno merci na mono ya kieleka, kiese ya kuluta sambu na lukwikilu na beno, ti luzitu ya santu sambu na yonso ya beno pesaka ya lendaka kutangama ve - na mpila yonso, pene to ntama-sambu na lunungu ya beto bakaka na kuluta ya Ntumwa na beto ya ntete na kati na beto.

Kansi kana beto kutala yo mbotembote, na ntwala ya yonso yo kele na Nzambi nde yo kelomba kupesa merci, kiese na beto ti yina ya beto ta nata. Ya kieleka, ntangu ya bantu mosi ti bantu ya nkaka kupesaka dikabu na bo, kele Nzambi pesaka mpusa yina ti mpila ya kusala yo (Philippiens 2 : 13) ; ntangu ya muntu mosi me kuna ye yankaka me losa masa, kele Nzambi muntu yidisaka yo (1 Corinthiens 3 : 6) ; ata na ntangu ya ngolo na beto ya kimuntu ti tekinike yo me kuma na nsuka, Nzambi bikalaka ngolo na kulemba na beto (2 Corinthiens 12 : 9). Lukumu yonso kuvanda na yandi ! Beto me pesama nswa na kumonisa merci yayi na nzila ya dikabu na beto ya ku pesa merci na kilumbu ya lumingu, le 4 ya ngonda kumi, na bimvuka (Communautés) na beto.

Kuluta ya Ntumwa na beto ya ntete yo vandaka kaka lusakumunu yina mosi ? Oh, ve !

- Na luzingu ya nitu yayi, lusilu ya Nzambi me nungaka : « *...kukuna ti kukatula bima na bilanga, madidi ti mwini, musibu ti mvula, mpimpa ti mwini* » yo me bikaka kumana ve (Genèse 8 : 22). Nzambi me pesa beto dimpa, mavimpi ya nitu, ngolo, familia, bampangi, kununga ti makambu mingi diaka. Beto pesa yandi merci !
- Na nzila ya mpeve, Nzambi me pesa beto YONSO na nzila ya mwana na yandi : kuponama na ntwala ntoto kugangama, kuantisama, kuyambama bonso bana, kimbaku, mayele, kuzaba maswekamu ya luzolo na yandi, ndolula ya masumu na beto, ndambu yina ya beto me baka na nzila ya Mpeve-Santu (Ephésiens 1 : 3-13) ti lusilu ya dikabu ya luzingu ya mvula na mvula ya yandi me silaka beto (Jean 3 : 16). Beto pesa yandi merci !
- Yinga, kansi nki kutuba na kisika yayi ya bisambu na beto me kundimama ve ? Ata pana mpi, beto pesa yandi merci na ntwala beto kubaka, sambu yandi kele Nzambi yina ya ke pesaka (Genèse 22 : 8, 14; Philippiens 4 : 19). Beto pesa yandi ti kiese ti kutula ntima !
- Ata ntangu mono kele na kati ya bampukumuna ? Yinga, ata na ntangu yina mpi beto ke pesa yandi merci sambu na bampukumuna, yandi ke pesaka mpila ya kulunga ya kubasika na kati na yo (1 Corinthiens 10 : 13). Mpila mosi na Paulo ti Silasi na boloko (Actes 16 : 25), beto samba ti kuyimba lukumu na yandi.

Na kimvuka na bantumwa na beto yonso, mono ke zodila beno nkinsi ya kupesa merci ya lusakumunu ti ya ngemba na bimvuka ti na bafamilia na beto yonso.

Elie-Tatien MUKINDA

Ntumwa ya Disitiliki